

重  
詳  
定  
刑  
統

重詳定刑統卷第十四 戶婚律

**六門**

律條十四并疏  
令格敕條十一

同姓及外姻有服其為婚姻夫喪守志

娶逃亡婦女

監臨婚娶枉法娶人妻妾

和娶人妻絕和離

主與奴娶良人詐妄嫁娶

違律為婚定婚年限

同姓及外姻有服其為婚姻夫喪守志

諸同姓為婚者各徒二年總麻以上以姦論若外姻有

服屬而尊卑共為婚姻及娶同母異父姊妹若妻前夫

之女者

謂妻所生者餘條稱前夫之女在此

亦各以姦論其父母之姑舅

兩姨姊妹及姨若堂姨母之姑堂姑已之堂姨及再從

姨堂外甥女女壻姊妹並不得為婚姻違者各杖一百

並離之

**疏**諸同姓為婚者各徒二年總麻以上以姦論

同宗其姓皆不得為婚違者各徒二年然古者受姓

命氏因彰德功邑居官爵事非一緒其有祖宗遷易

年代寔遠疏源折本罕能推詳至如魯衛文王之昭

凡將周公之裔與姬姓為婚者不在禁例其有

傳國姓以音為宗本若與姬姓為婚者不在禁例其有

聲同字別音響不殊男女辯姓豈宜仇匹若陽與楊

之類又如近代以來特蒙賜姓譜牒仍在昭穆可知

今姓之與本枝並不合其為婚購其有複姓之類一

字或同受氏既殊元非禁限若同姓總

**問**

同上為婚者各依雜律姦條科罪

知同姓為婚各徒二年未

**答**

買妻不知其姓則卜之取決蓍龜本防同姓同姓之人即當同祖為妻為妾亂法不殊戶令云娶妾仍立婚契即驗妻妾俱名為婚依准禮令得罪無別

又云若外姻有服屬而尊卑其為婚姻及娶同母異

父姊妹若妻前夫之女者注云謂妻所生者餘條稱

前夫之女准此又云亦各以姦論

**議**

外姻有服屬者謂外祖父

母舅姨妻之父母此等若作婚姻者是名尊卑其為婚姻及娶同母異父姊妹若妻前夫之女者注云謂妻所生者謂前夫之女後夫娶之是妻所生者如其非妻所生自從本法餘條稱前夫之女者准此據離律姦妻前夫之女亦據妻所生者故云亦准此各以姦論其外姻雖有服非尊卑者為婚不禁

又云其父母之姑舅兩姨姊妹及姨若堂姨母之姑

堂姑已之堂姨及再從姨堂外甥女女婿姊妹並不

得為婚姻違者各杖一百並離之

**議**

父母姑舅兩姨姊妹於身

無服乃是父母尊若堂姨雖於父母尊故不合娶及姨又是  
父母大功尊是母之小功以上尊已之堂姨及再從姨  
姑堂姑並是母之小功以上尊已之堂姨及再從姨  
堂外甥女亦謂堂姊妹所生者女壻姊妹於身雖並  
無服據理不可為婚並為尊卑混亂人倫失序違此  
為婚者各杖一百白同姓為婚以下雖會赦各離之  
諸嘗為袒免親之妻而嫁娶者各杖一百總麻及舅甥  
妻徒一年小功以上以姦論妾各減二等並離之

**疏議**

高祖親兄弟曾祖堂兄弟祖再從兄弟父三

麻絕服之外即從兄既同五代之祖服制尚與他  
人故嘗為袒免親之妻不合復相嫁娶總麻之妻及為  
女各杖一百總麻及舅甥妻謂同姓總麻之妻及為  
舅妻若外甥妻而更相嫁娶者其夫尊卑有服嫁娶  
各徒一年小功以上以姦論小功之親多是本族其  
外姻小功者唯有外祖父母若再嫁娶一問姦法若  
經作袒免親妾者各杖八十總麻親及舅甥妾各杖  
九十小功以上各減姦罪二等故云妾各減二等並  
離之姦妾者累減三等稱以姦論者並依姦法小功之  
是娶妾者累減三等稱以姦論者並依姦法小功之

妻若寡在大宗而嫁娶者各依姦小功以上妻法律其  
被放出或改適他人即於前夫服義並絕姦者依律  
止是凡姦若其更娶亦同凡姦之坐又稱姦者據元  
是袒免以上親之妾而娶者不得減二等若是前人之  
妻今娶為妾止依娶妻之罪不得以妾減之  
如為前人之妾今娶為妻亦依娶妾之罪

諸夫喪服除而欲守志非女之祖父母父母而強嫁之  
者徒一年周親嫁者減二等各離之女追歸前家娶者  
不坐

**疏議曰**

婦人夫喪服除誓心守志唯祖父母父母得  
尊而嫁之非女之祖父母父母謂大功以下  
而輒強嫁之者合徒一年周親嫁者謂伯叔父母姑  
兄弟姊妹及姪而強嫁之者減二等杖九十各離之  
女追歸前家娶者不坐

**娶逃亡婦女**

諸娶逃亡婦女為妻妾知情者與同罪至死者減一等

離之卽無夫會恩免罪者不離

**疏議曰**

婦女犯罪逃亡有人娶爲妻妾若知其逃亡而娶者流三千里仍離之卽逃亡婦女無夫又會恩赦得免罪者不合從離其不知情而娶准律無罪若

無夫卽聽不離

**監臨婚娶**

枉法娶人妻妾

諸監臨之官娶所監臨女爲妾者杖一百若爲親屬娶者亦如之其在官非監臨者減一等女家不坐卽枉法娶人妻妾及女者以姦論加二等爲親屬娶者亦同行求者各減二等各離之

**疏**

諸監臨之官娶所監臨女爲妾者杖一百若爲親

屬娶者亦如之其在官非監臨者減一等女家不坐

**議曰** 監臨之官謂職當臨統案驗者娶所部人女為妾者杖一百為親屬娶者亦合杖一百親屬謂本服總麻以上親及大功以上婚嫁之家既強娶或之官為娶者即以本律首從親屬與監臨官同情強娶或恐喝娶者在官非監臨者謂在所部任官而職非統攝為從其在官非監臨者謂在所部任官而職非統攝案驗而娶所部之女及與親屬娶者各減監臨官一等女家並不合坐其職非統攝臨時監主而娶者亦同仍各離之

又云即枉法娶人妻妾及女者以姦論加二等注云

為親屬娶者亦同又云行求者各減二等各離之

**曰** 有事之人或妻若妾而求監臨官司判事娶其妻妾及女者以姦論加二等其娶者有親屬應加罪者各依本法仍加監臨姦罪二等為親屬娶者亦同皆同自娶之坐行求者各減二等其以妻妾及女行求嫁與監臨官司得罪減監臨二等其親屬知行求枉法而娶人妻妾及女者自依本法為從坐仍各離之者謂夫自嫁妻妾及女與枉法官人兩俱離之妻妾及女理不自由故並不坐



**准**戶令諸州縣官人在任之日不得其部下百姓交  
婚違者雖會赦仍離之其州上佐以上及縣令於所  
統屬官亦同其定婚在前任官居後及三輔內官門  
閥相當情願者並不在禁限

**和娶人妻**

七出義絕和離

諸和娶人妻及嫁之者各徒二年妾減二等各離之即  
夫自嫁者亦同仍兩離之

**疏議**

和娶人妻及嫁之者各徒二年若和嫁娶妾  
減二等徒一年各離之謂妻妾俱離即夫自

嫁者亦同謂同嫁妻妾之  
罪二夫各離故云兩離之

諸卑幼在外尊長後爲定婚而卑幼自娶妻已成者婚  
如法未成者從尊長違者杖一百

**疏議曰**

卑幼謂子孫弟姪等在外謂公私行李之處  
已成者如法未成者從尊長為定婚若卑幼所娶妻  
百尊長謂祖父母父母及伯叔父母姑兄姊一

諸妻無七出及義絕之狀而出之者徒一年半雖犯七  
出有三不去而出之者杖一百追還合若犯惡疾及姦  
者不用此律

**疏議曰**

仇儷之道義期同穴一與之齊終身不改故

令一無子二淫泆三不事舅姑四口舌五盜竊六妬  
忌七惡疾義絕謂國妻之祖父母父母及殺妻外祖  
父母伯叔父母兄弟姊妹若夫妻祖父母父母外  
祖父母伯叔父母兄弟姊妹若夫妻祖父母父母外  
之祖父母伯叔父母兄弟姊妹若夫妻祖父母父母  
姊妹及與夫之總麻以上親若妻母伯叔父母兄弟  
雖會赦皆為義絕妻雖未入門亦從此令若無此七  
出及義絕之狀輒出之者徒一年半雖犯七出有三  
不去三不去者謂一經持舅姑之喪二娶時則後貴  
三有所取無所歸而出之者杖一百並追還合若犯

惡疾及姦者不用此律謂惡疾及姦雖有三不去亦在出限故云不用此律

**問曰**

妻無子者聽出未知

**答曰**

律云妻年五十以上無子聽立庶以長卽是四十九以下無子未合出之

諸犯義絕者離之違者徒一年若夫妻不相安諧而和離者不坐卽妻妾擅去者徒二年因而改嫁者加二等

**疏**

諸犯義絕者離之違者徒一年若夫妻不相安諧

而和離者不坐

**律**

夫妻義合義絕則離違而不離

得罪止在一人皆坐不肖離者若兩不願離卽以造

意爲首隨從者爲從皆謂官司判爲義絕方得此坐

若未經官司處斷不合此科若夫妻不相安諧謂彼此情不相得兩願離者不坐

又云卽妻妾擅去者徒二年因而改嫁者加二等

**圖**

婦人從夫無自專之道雖見兄弟送迎尙不踰閭

若有志乖唱和意在分離背夫擅行有懷他志妻

妾合徒二年因擅去而即改嫁者徒三年故云加二等室家之禮讎或醜腐亦為難久雌薄之內能無忿爭相嘔蹙去不同此罪

**問**

妻妾擅去徒二年因而改嫁者加二

**答**

下條嫁娶違律祖父母父母主婚者獨坐主婚

知女擅去理須訓以義方不送夫家違法改嫁獨坐父母合徒三年其妻妾之身唯得擅去之罪周親主婚自依首從之法

**准**

周顯德五年七月七日敕條妻擅去者徒三年因

而改嫁者流三千里妾各減一等娶者並與同罪如不知其有夫者不坐娶而後知者減一等並離之父母主婚者獨坐父母妻妾唯得擅去之罪周親等主婚分首從

主與奴娶良人詐妄嫁娶

諸與奴娶良人女為妻者徒一年半女家減一等離之

其奴自娶者亦如之主知情者杖一百因而上籍為婢

者流三千里即妄以奴婢為良人而與良人為夫妻者

徒二年奴婢自妄者亦同各還正之

**疏**諸與奴娶良人女為妻者徒一年半女家減一等

離之其奴自娶者亦如之主知情者杖一百因而上

籍為婢者流三千里既人各有耦色類須同良賤

人女為妻者徒一年半女家減一等台徒一年仍離

之謂主得徒坐奴不合科其奴自娶者亦得徒一年

半主不知情者無罪主若知情杖一百因而上籍為

婢者流三千里若為奴娶客女為妻者律雖無文

即須比例科斷名例律稱部曲者客女同鬪訟律部

曲毆良人加凡人一等奴婢又加一等其良人毆部

曲減凡人一等奴婢又減一等即部曲奴婢相毆傷殺者各依部曲與良人相毆傷殺法注云各條良人部曲奴婢私相犯本條無正文者並准此奴婢良人徒一年半即娶客女減一等合徒一年主知情者杖九十因而上籍為婢者徒三年其所生男女依戶令不知情者從良知情者從賤

又云即妄以奴婢為良人而與良人為夫妻者徒二

年注云奴婢自妄者亦同又云各還正之

**部曲**

以奴

妄作良人嫁娶為良人夫婦者所妄之罪合徒二年奴婢自妄嫁娶亦徒一年各還正之稱正之者雖會赦仍改正之若婢財多准罪重於徒二年者依詐欺計贓科斷

**部曲**戶令諸奴婢詐稱良人而與良人及部曲客女為

夫妻者所生男女並從良及部曲客女知情者從賤即部曲客女詐稱良人而與良人為夫妻者所生男女亦從良知情者從部曲客女皆離之其良人及部

曲客女被詐爲夫妻所生男女經一載以上不理者  
後雖稱不知情各同知情法如奴婢等逃亡在別部  
詐稱良人者從上法

諸雜戶不得與良人爲婚違者杖一百官戶娶良人女  
者亦如之良人娶官戶女者加二等卽奴婢私嫁女與  
良人爲妻妾者准盜論知情娶者與同罪各還正之

**疏**諸雜戶不得與良人爲婚違者杖一百官戶娶良

人女者亦如之良人娶官戶女者加二等

**雜戶**配隸

諸司不與良人同類止可當色相娶不合與良人爲  
婚違律爲婚杖一百官戶娶良人女者亦如之謂官  
戶亦隸諸司不屬州縣亦當色婚嫁不得輒娶良人  
違者亦杖一百良人娶官戶女者加二等合徒一年  
半官戶私嫁女與良人律  
無正文並須依首從例

又云卽奴婢私嫁女與良人爲妻妾者准盜論知情

娶者與同罪各還正之

**議曰**

奴婢既同資財卽合由

與人須計婢贓准盜論罪五匹徒一年五匹加一等  
知情娶者與奴婢罪同不知情者不坐自雜戶與良  
人爲婚以下得罪仍各離而改正其工樂雜戶官戶  
依令當色爲婚若異色相娶者律無罪名並違令  
既乖本色亦合正之太常音聲人依令婚同百姓其  
有雜作婚姻者並准良人其部曲奴婢有犯本條無  
正文者依律各准良人如與雜戶官戶爲婚  
並同良人共官戶等爲婚之法仍各正之

違律爲婚

定婚年限

諸違律爲婚雖有媒娉而恐喝娶者加本罪一等強娶  
者又加一等被強者止依未成法卽應爲婚雖已納娉  
期要未至而強娶及期要至而女家故違者各杖一百

**疏**

諸違律爲婚雖有媒娉而恐喝娶者加本罪一等



强娶者又加一等被强者止依未成法疏依律不

其有故為之者是名違律為婚假如雜戶與良人為

婚雖有媒娉而恐喝娶者加本罪一等本坐台杖一

百加一等處徒一年强娶者又加一等謂以威若力

而强娶之合徒一年半被强者止依未成法下條未

成者各減已成五等女家止答五十之類

又云即應為婚雖已納娉期要未至而强娶及期要

至而女家故違者各杖一百疏即應為婚謂依律

娉財元契吉日未至而男家强娶及期要已至吉日

而女家故違不許者各杖一百得罪依律不合從離

諸違律為婚當條稱離之正之者雖會赦猶離之正之

定而未成亦是娉財不追女家妄冒者追還

**疏議** 違律為婚謂依律不合作婚而故違者當條

又正之者謂上條奴婢私嫁女與良人仍正之雖會

大赦稱離之者猶離之稱正之者猶正之定而未成

亦是假令經戶與良人為婚已定監臨之官娶所臨  
臨女未成會赦之後亦合離正故云定而未成亦是  
男家送財已訖雖合離正其則不追若女家妄冒應  
離正者追財物還男家凡稱離之正之者赦後皆合  
離正名例律云會赦應改正經責簿帳而不改正各  
論如本犯律應離之輩即是赦後須離仍不離者律  
無罪條猶當不應得為從重合  
杖八十若判離不離白從姦法

諸嫁娶違律祖父母父母主婚者獨坐主婚

本條稱以姦論者各

從本法至死者減一等

若期親尊長主婚者主婚為首男女為從

餘親主婚者事由主婚主婚為首男女為從事由男女

男女為首主婚為從其男女被逼若男年十八以下及

在室之女亦主婚獨坐未成者各減已成五等媒人各

減首罪二等

**疏**

諸嫁娶違律祖父母父母主婚者獨坐主婚

**議曰**

嫁娶違律謂於此篇內不許為婚祖父母父母主婚  
嫁為奉尊者教命故獨坐主婚嫁娶者無罪假令祖  
父母父母主婚為子孫娶舅甥妻合徒  
一年唯祖父母父母得罪子孫不坐

注云本條稱以姦論者各從本法至死者減一等

**國**本條稱以姦論者謂上條總麻以上以姦論假令

里強者絞即父亦得流二千里同雜犯其子若自犯

有官者仍除名此各從本法至死減一等者若強

娶從母為妻或婚寡伯叔母非被出及改

嫁者本條合死今減一等合流三千里

又云若期親尊長主婚者主婚為首男女為從餘親

主婚者事由主婚主婚為首男女為從

重詳定刑統卷第十四

重詳定刑統卷第十五 厰庫律

十一門 律條二十八并疏起請條一

牧畜死失及課不充如檢驗畜產不以實養療不

養飼犧牲

乘駕損傷官畜官馬不調習

故殺誤殺官私馬牛并雜畜

犬傷害人畜標幟犬

以官奴婢畜產借人及自借畜產損食官私物

庫藏搜檢偷盜

假借官物不還監臨主司以官物私貸借及貸借人

損敗倉庫物

財物應入官私

放散官物

輸課稅逗留濕惡

監主僦運稅物擅開官物印封

給受留難輸課稅物市

糴充者官物例

給受欠贖

牧畜死失及課不充

檢驗畜產不以實官畜官車私馱載

養療不如法

諸牧畜產准所除外死失及課不充者一牧長及牧子

笞三十三加一等過杖一百十加一等罪止徒三年羊

減三等

餘條羊准此

新任不滿一年而有死失者總計一年

之內月別應除多少准折為罪若課不充遊牝之時當

其檢校者准數為罪不當者不坐

遊牝之後而致損落者坐後人繫飼

死者各加一等失者又加二等牧尉及監各隨所管牧

多少通計為罪仍以長官為首佐職為從

餘官有管牧者亦准此

**疏**諸牧畜產准所除外死失及課不充者一牧長及

牧子笞三十三加一等過杖一百十加一等罪止徒

三年羊減三等注云餘條羊准此

**議曰**

廢牧令諸牧

每年率一百頭論曉除七頭累除六頭馬牛驢殺羊

除十白羊除十五從外蕃新來者馬牛驢殺羊皆聽

除二十第二二年除九白羊除二十五第二二年除

十二第二二年除九白羊除二十五第二二年除

三年皆與舊同准率百頭以下除數此是年別所除

之數不合更有死失及課不充者應課者准令牝馬

一百匹牝牛驢各一百頭每年課駒犢各六十驢駒

減半馬從外蕃新來者課駒四年內課駒七十白羊

年同舊課牝牛驢各一百頭三年內課駒七十白羊

口每年課羔七十口殺羊一百口課羔八十口准此

欠數者為課不充除外死失及課不充者一牧長及

牧子笞三十三加一等即死失及課不充者杖一百過

杖一百十加一等計欠七十二罪止徒三年羊減三

等欠三以下未得罪名欠四笞十三口加一等罪止

徒一年半注云餘條羊准此餘條謂養飼不如法之

類但餘條皆論畜罪名無羊者並減馬三等故云准

此

又云新任不滿一年而有死失者總計一年之內月別應除多少准折為罪若課不充遊牝之時當其檢校者准數為罪不當者不坐注云遊牝之後而致損落者坐後人

**讀曰**

新任不滿一年謂任牧尉牧長牧

之內准折為罪謂若驟新任從外蕃來當年聽除十二即是一月別得除一頭新任三月除三頭五月除五頭除畜一年准當色應除數准新任月別折除分數亦准此若檢校者准失皆准上文得罪若課不充遊牝之時當其檢校者准數為罪准令牧馬駝牛驢羊牝牡常同羣其牡馬驢每年三月遊牝應收飼者至冬收飼不當遊牝之時課收雖不充依律不當遊牝之時檢校之後而致損落者坐後人謂雖不當遊牝之時檢校於後損落仍得其罪

又云繫飼死者各加一等失者又加二等牧尉及監

各隨所管牧多少通計爲罪仍以長官爲首佐職爲從注云餘官有管牧者亦准此（釋）繫飼死者加一養之者收飼理不合死故加罪一等雜畜一死管四十罪止流二千里失者又加二等以其繫飼不合失落故加二等稱又者明累加卽失一枝六十罪止流三千里繫飼羊亦各減三等牧尉及監各隨所管牧尉長通計爲罪依令牧馬牛皆百二十爲羣駝騾驢皆以七十頭爲羣羊六百二十口爲羣羣別立牧長一人率十五長置尉一人其監卽不限尉多少通計之義已從戶婚解訖仍以長官爲首佐職爲從者爲羣牧事重委在長官死失及課不充以監爲首副監及丞簿爲從條言佐職爲從明主典無罪注云餘官有管牧者亦准此其牧有置監管者亦有隸州縣官管者故云餘官有管牧者亦准此

諸驗畜產不以質者一笞四十三加一等罪止杖一百若以故價有增減贓重者計以增減坐贓論人已者以盜論



**疏議曰**

依廢牧令府內官馬及傳送馬驢每年皆刺史折衝果毅等檢揀其有老病不堪乘用者

府內官馬更對州官揀定開封府管內送尚書省

揀隨便貨賣檢揀者並須以實不以實者一笞四十

三加一等罪止杖一百若以檢揀不實之故令價有

增減者計增減之賊重坐贓論謂驗一不實增三匹

一尺及減三匹一尺各笞五十每每一匹加一等十匹

徒一年十匹加一等若因此增減之賊將入已者計

罪以盜論仍徵倍贓監主加二增減之賊將入已者其

閒有增減不平之贓有入已不入已者若一處犯便

是一事分爲二罪罪法不等卽以重法併滿輕法須

將以盜之贓累於坐贓之上科之其應除免倍贓各

盡本法若驗羊不實減三等其增減贓坐贓及

以盜論者並各依本條不在羊減三等之例

諸受官羸病畜產養療不如法笞三十以故致死者一

笞四十三加一等罪止杖一百

**疏議曰**

依廢牧令官畜在道有羸病不堪前進者留

付隨近州縣養飼療救粟草及藥官給而所

在官司受之須養療依法有不如法者笞三十以故

致死者謂養療不如法而致死者一笞四十三加一

等罪止杖一百

諸應乘官馬牛驪騾驢私馱物不得過十斤違者一斤笞十十斤加一等罪止杖八十其乘車者不得過三十斤違者五斤笞十二十斤加一等罪止徒一年卽從軍征討者各加二等若數人共馱載者各從其限爲坐監當主司知而聽者併計所知同私馱載法

疏諸應乘官馬牛驪騾驢私馱物不得過十斤違者

一斤笞十十斤加一等罪止杖八十

議曰

應乘官馬

者謂因公得乘傳遞或是軍行但因公事而得乘官畜者私馱物不得過十斤十斤之外更著者一斤笞十十斤加一等罪止杖八十

又云其乘車者不得過三十斤違者五斤笞十二十

斤加一等罪止徒一年卽從軍征討者各加二等

**曰**應乘官車或載官私之物載限之外私物不得過三十斤違者五斤笞十二斤加一等罪止徒一年

從軍征討者各加二等馬牛以下車以上各加常犯二等馬牛隨騾驢七十一斤罪止杖一百車二百

五斤罪止徒二年

又云若數人共馱載者各從其限爲坐監當主司知

而聽者併計所知同私馱載法

**曰**若數人共馱載者謂乘官畜及車應得私載物限外謂畜過十斤車過三十斤似有

十人同乘官畜馱私物各過十斤其中五人數外各過一斤依律各笞十三人各過十一斤各笞二十二人

各過八兩律云過一斤笞十今載不滿一斤依律各無罪又有十人同車載私物各三十斤其中五人數

外各過五斤依律各笞十三人各過二十斤其中五人數當主司知情者併計前畜總過三十九斤同私馱法

科罪笞四十車總過一百五十斤同私載法合杖六十之類若從軍征討亦依前各加二等其有他人寄載

各計一斤以上為罪皆同私馱載法主當車馬及寄物之人得罪各等亦無首從監當官司知情准上解若隨身衣仗應將行者各在私物斤兩之外不在計限

養飼犧牲

諸供大祀犧牲養飼不如法致有瘦損者一杖六十一加一等罪止杖一百以故致死者加一等

疏議曰

供大祀犧牲用犢人帝配之即加羊豕其養

令肥不得捶朴違者是不如法致有損瘦者一杖六十一加一等罪一死杖七十五死徒一年其羊豕雖供人帝為配大祀故得罪與牛皆同職制律中小祀遞減二等餘條中小祀在此即中祀養牲不如法各減大祀二等小祀不如法又減中祀二等

乘駕損傷官畜

官馬不調習

諸乘駕官畜產而脊破領穿瘡三寸筭二十五寸以上

笞五十謂圍繞若放飼瘦者計十分為坐一分笞二十

一分加一等即不滿十者一笞三十一加一等各罪止

杖一百

**疏**諸乘駕官畜產而脊破領穿瘡三寸笞二十五寸

以上笞五十注云謂圍繞為寸者議曰乘駕官畜產

驢乘騎者脊破駕用者領穿瘡三寸笞二十五寸以

上笞五十稱以上者瘡雖更大罪亦不加若是別傷

非乘駕所損自從傷官畜產之罪不當此坐注云謂

圍繞為寸者即是瘡圍三寸徑一寸圍五寸一分徑

一寸七分雖或方圓推此為法

但廉隅不定皆以圍繞為寸

又云若放飼瘦者計十分為坐一分笞二十一分加

一等即不滿十者一笞三十一加一等各罪止杖一

**百**

若將官畜放飼謂牧監之官及牧子以上令

渡者計十分為坐假令一羣放百匹馬十匹

瘦爲一分合笞二十一  
分加一等九分並瘦或百匹  
皆瘦合杖一百卽不滿十者  
一笞三十一加一等謂  
止放八匹一瘦笞三十八匹  
並瘦更加七等合杖一百  
故云各罪止杖一百監及牧尉  
皆以所管通計爲  
罪餘雜畜在數得罪皆  
准此羊在例減三等

諸官馬乘用不調習者一匹笞二十五匹加一等罪止杖一百

**疏議曰**

依太僕式在牧馬二歲卽令調習每一尉配調習馬人十人分爲五番上下每年三月一

日上四月三十日下又令云殿中省尙乘每配習馬調馬東宮配翼馭調馬其檢行牧馬之官聽乘官馬卽令調習故官馬乘用不調習者一匹笞二十五匹加一等卽是四十一匹罪止杖一百上臺東宮供御馬不調習得罪重於此條卽從職制律車馬不調習本條科罪

故殺誤殺官私馬牛并雜畜

諸故殺官私馬牛者徒一年半賊重及殺餘畜產若傷

者計減價准盜論各償所減價價不減者答三十

見血

即為傷若傷重五日內致死者從殺罪

其誤殺傷者不坐但償其減價主

自殺馬牛者徒一年

**疏**

諸故殺官私馬牛者徒一年半賊重及殺餘畜產

若傷者計減價准盜論各償所減價價不減者答三

十注云見血踣跌即為傷若傷重五日內致死者從

殺罪

**疏**

官私馬牛為用處重牛為耕稼之本馬即

得罪重於一年半徒假有殺馬直十五年半賊重謂計賊

徒二年此名賊重及殺餘畜產除馬牛之外並為餘

畜若傷謂雖不死而有損傷自馬牛及餘畜各計所

減價准盜論減價謂畜產直絹十匹殺訖唯直絹兩

匹即減八匹傷減一匹償一匹是減一匹償殺減八

匹償八匹傷減一匹償一匹之類其罪各准盜八匹

及一匹而斷償不減者謂元直絹十匹雖有殺傷評

價不減仍直十匹止得答三十罪無所陪償注云見

血踠跌即為傷見血不限傷處多少但見血即坐踠  
傷處重五日內致死者亦從殺罪及償減價

又云其誤殺傷者不坐但償其減價主自殺馬牛者

徒一年

**議曰**

誤殺傷者謂目所不見心所不意或非  
繫放畜產之所而誤傷殺或欲殺猛獸

而殺傷畜產者不坐但償其減價同上  
解主自殺馬牛徒一年誤殺者不坐

諸官私畜產毀食官私之物登時殺傷者各減故殺傷

三等償所減價畜主備所毀

臨時專制亦為  
主餘條並此

其畜產欲

無齧人而殺傷者不坐不償

亦謂登時殺傷者即  
絕時皆為故殺傷

**疏**

諸官私畜產毀食官私之物登時殺傷者各減故

殺傷三等償所減價畜主備所毀注云臨時專制亦

為主餘條在此

**議曰**

畜產不限官私或毀食官私之  
物者毀謂有所唐突或無踠之



類因其毀食物主登時即殺傷者各減前條故殺傷  
罪三等若殺馬牛杖九十其傷馬牛及殺傷餘畜產  
各計所減價計贓准盜論減三等如所殺馬牛准所  
減價當絹十五匹者徒二年上減三等各杖一百如  
此計贓得罪重即從重論仍各償所減價畜主備所  
毀假有一牛直上絹五匹毀食人物平直上絹兩疋  
其物主登時傷殺此牛出賣直絹三匹計減二匹牛  
主償所損食絹二匹物主酬所減牛價絹亦二匹之  
類注云臨時專制亦為主假如甲有馬牛借乙乘用  
有所毀食即乙合當罪仍令備償餘條准此謂下條  
犬殺傷他人畜及畜產無鬻人而應標幟  
羈絆之類雖非正主皆罪在專制之人

又云其畜產欲無鬻人而殺傷者不坐不償注云亦

謂登時殺傷者即絕時皆為故殺傷

**議曰**

其畜產有

若其欲來無鬻人當即殺傷不坐不償故注云亦謂  
登時殺傷者其事絕之後然始殺傷者皆依故殺傷  
之法仍償減價畜  
主亦依法得罪

諸殺總麻以上親馬牛者與主自殺同殺餘畜者坐贓

論罪止杖一百各償其減價

**疏議曰**

主自殺以上謂內外有服者相殺馬牛得罪與論罪止杖一百准此律文總麻以上傷畜產者不合得罪若因傷重五日內致死依上條亦同殺法並償所減價

**問曰**

誤殺及故殺總麻以上親畜產律無罪名未知合償減價以否

**答曰**

律云殺總麻以上親馬牛者與主自殺同主傷馬牛及以誤殺律條無罪諸親與主同明各不坐不坐即無備償准例可知況律條無文即非償限牛馬猶故不償餘畜不償可知

臣等參詳今後故殺官私馬牛者請決脊杖二十隨處配役一年放殺自己馬牛及故殺官私馳騾驢者並決脊杖十七放殺自己馳騾驢者決鬻杖十七放故殺他人犬者決鬻杖十五放

殺自己犬者決髻杖十下放殺惡畜產者在律

處分

犬傷害人畜

標幟羈絆畜犬

諸犬自殺傷他人畜產者犬主償其減價餘畜自相殺傷者償減價之半卽故放令殺傷他人畜產者各以故

殺傷論

**疏議曰**

犬者性能噬齧或自殺傷他人畜產犬主償其減價以犬能噬齧主須制之爲主不防制

故令償減價餘畜除犬之外皆是自相殺傷者謂牛相觶殺馬相踰死之類假有甲家牛觶殺乙家馬馬本直絹十匹爲觶殺估皮肉直絹兩匹卽是減入匹絹甲償乙絹四匹是名償減價之半卽故放令殺傷他人畜產者或有犬性好噬猪羊其牛馬能相觶踰而故放者責其故放各與故殺傷罪同謂同上條故殺官私馬牛者徒一年半計贓應重若傷及殺餘畜產者計減價准盜論償所減價價不減者笞三十兩

主放畜產而闔有殺傷者從不應為重杖八十各償所減價

諸畜產及噬犬有舐踰齧人而標幟羈絆不如法若狂犬不殺者答四十以故殺傷人者以過失論若故放令殺傷人者減關殺傷一等即被雇療畜產被倩者同及過失法無故觸之而被殺傷者畜主不坐

**疏**諸畜產及噬犬有舐踰齧人而標幟羈絆不如法

若狂犬不殺者答四十以故殺傷人者以過失論若

故放令殺傷人者減關殺傷一等

**唐律**

依雜令畜產

角踰人者絆足齧人者截兩耳此為標幟羈絆之法若不如法并狂犬本主不殺之者各答四十以過失論標幟羈絆及狂犬不殺之故致殺傷人者以過失論過失者各依其罪從贖法律無異文總依凡法不限尊貴其贖一也若本應輕者聽從本其故放令殺傷人者謂知犬及雜畜性能舐踰及噬齧而故放者減

鬪殺傷一等其犯貴賤尊卑長幼親屬等各依本犯  
應加減為罪其畜產殺傷人仍作他物傷人保辜二  
十日辜內死者減鬪殺一等辜外及他故死者自依  
以他物傷人法假令故放雜畜產蹶踰及鬻殺子孫  
於徒一年半減一等合徒一年餘親卑  
幼合各依本服於鬪殺傷上減一等

又云即被雇療畜產注云被倩者同過失法又云及  
無故觸之而被殺傷者畜主不坐  
**律曰** 有人被雇療  
解人畜產而被殺傷者畜主不坐被雇本是規財無  
故謂故自犯觸如此被殺傷者畜主不在坐限若被  
倩療畜產被殺  
傷依贖法論

以官奴婢畜產借人及自借畜產損食  
官私物

諸監臨主守以官奴婢及畜產私自借若借人及借之  
者笞五十計庸重者以受所監臨財物論驛驢加一等  
即借驛馬及借之者杖一百五日徒一年計庸重者從

上法卽驛長私借人馬驢者各減一等罪止杖一百

**疏**諸監臨主守以官奴婢及畜產私自借若借人及

借之者笞五十計庸重者以受所監臨財物論驛驢

加一等**議曰**監臨主守之官以所監主官奴婢及畜

借之者或一人一畜但借謂身自借用若轉借他人及

多或借數多而日少計庸重於借罪者以受所監臨

財物論累贓爲坐驛驢加一等謂借卽得杖六十計

庸重以受所監臨財物論加一等其車船碾磴邸店

之類有私自借若借人及借之者亦計庸貨各與借

奴婢畜產同律雖無文所犯相類職制律監臨之官

借所監臨及牛馬驢驘車船碾磴之類理與借畜

以受所監臨財物論計借車船碾磴之類理與借畜

產不殊故附此

條准例爲坐

又云卽借驛馬及借之者杖一百五日徒一年計庸

重者從上法卽驛長私借人馬驢者各減一等罪止

杖一百議曰即私借驛馬及官私借之者各杖一百

馬之庸當上絹八匹合加一等徒一年計庸重者從上法謂計驛

借人馬驛者減一等准令驛馬驛一給以後死即驛

長陪填是故驛長借人驛馬得罪稍輕各減一等謂

上文借驛馬驛加受所監臨財物一等今驛長借人

驛馬各減一等與受所監臨財物罪同罪止杖一百

諸放官私畜產損食官私物者答三十賊重者坐賊論

失者減二等各償所損若官畜損食官物者坐而不償

疏議曰謂放官私畜產損食官私之物損食雖少即

計賊重者坐賊論失者減二等謂非故放因亡逸而

損或食者減罪二等各償所損既云損食官私之物或

公廨畜產各令畜主備償若官畜損食官物坐而不償

若損食餘私公廨並得罪

仍備驛飼備一雅上文

庫藏搜檢偷盜

諸有人從庫藏出防衛主司應搜檢而不搜檢笞二十以故致盜不覺者減盜者罪二等若夜持時不覺盜減三等主守不覺盜者五匹笞二十十匹加一等過杖一百二十匹加一等罪止徒二年若守掌不如法以故致盜者各加一等故縱者各與同罪卽故縱贓滿五十匹加役流一百匹絞若被強盜者各勿論

**疏**諸有人從庫藏出防衛主司應搜檢而不搜檢笞

二十以故致盜不覺者減盜者罪二等若夜持時不

覺盜減三等

**議曰**

從庫藏出依式五品以上皆不合搜檢其應搜檢而不搜檢者防衛

主司笞二十以不搜檢故而致盜物將出計所盜之贓主司減盜者罪二等若夜持時謂庫藏之所持更之人不覺人盜物者減盜者罪三等持時謂當時專持更者假有不覺盜五疋絹減三等得杖八十之類



又曰主守不覺盜者五匹答二十匹加一等過杖  
一百二十匹加一等罪止徒二年若守掌不如法以  
故致盜者各加一等故縱者各與同罪議曰主守不  
無品謂親主當庫藏者不覺有人盜物在緇五匹答  
二十不滿五匹未合得罪十匹加一等八十五匹杖  
一百過杖一百二十匹加一等一百四十五匹罪止  
徒二年若守掌不如法謂防守持更鎖閉封印乖違  
不如法而致盜者各加一等謂防守衛不如法有人從  
庫藏出入又不搜檢致盜不覺上加一等謂止減盜者  
者一等守夜持時不如法不覺盜亦加一等止減盜者  
二等主守之司不如法不覺盜亦加一等故縱者各與同罪  
十罪止徒二年半此是各加一等故縱者各與同罪  
謂防衛主司并夜持時之人及主守之司故縱盜者  
並各與盜者同罪稱同罪者不  
在除免倍贓監主加罪之例

又云卽故縱賊滿五十匹加役流一百匹絞若被強  
盜者各勿論議曰國家庫藏本委主司若主司知情  
容盜得罪重於盜者名例律與同

罪者不在加役流之例故於庫藏條中特生此例故縱贓四十九匹以下與盜者罪同不合除免滿五十匹加役流除名配流如法一百匹絞此謂故縱一人之罪若故縱頻盜及眾人盜者各依累倍之法若被強盜各勿論謂被威力盜之非能拒得者勿論

假借官物不還

監臨主司以官物私貸借及貸借人

諸假請官物事訖過十日不還者答三十十日加一等罪止杖一百私服用者加一等若亡失所假者自言所司備償如法不自言者以亡失論

**疏**諸假請官物事訖過十日不還者答三十十日加

一等罪止杖一百私服用者加一等

**議曰**

假請官物謂有吉凶

應給威儀鹵簿或借帳幕氍毹之類事訖十日內皆合還官若過十日不還者答三十十日加一等停留總過八十日罪止杖一百因而私服用者謂吉凶事過以後別私服用者每加一等過八十日徒一年

又云若亡失所假者自言所司備償如法不自言者

以亡失論

**議曰**

假請官物有亡失者若於請物所司自言失者免罪備償如法不自言者

被入舉者

以亡失論依雜律亡失官物者准盜論減

三等又條亡失官私器物各備償故得亡失之罪又

備償之

諸監臨主守以官物私自貸若貸人及貸之者無文記

以盜論有文記准盜論

文記謂取抄署之類

立判案減二等即充

公廨及用公廨物若出付市易而私用者各減一等坐

之

雖貸亦同餘條公廨准此主守私貸即無文記者依盜法

所貸之人不能備償者

徵判署之官

下條私借亦准此

**疏**

諸監臨主守以官物私自貸若貸人及貸之者無

文記以盜論有文記准盜論注云文記謂取抄署之

類又云立判案減二等

**律曰**

監臨主司謂所在之處

此官物私自貨若將貨人及貸之者此三事無文記以盜論有文記准盜論文記謂取抄署之類謂雖無文案或有名簿或取抄及署領之類皆同無文記以盜論者與真盜同若監臨主司自貨亦加凡盜二等有文記者准盜論並五匹杖一年五匹加一等立判案減二等謂五匹杖九十之類

又云卽充公廨及用公廨物若出付市易而私用者各減一等坐之注云雖貸亦同餘條公廨准此卽主

守私貸無文記者依盜法

**議曰**

卽充公廨謂以官物

廨之物無文記有文記立判案若官物從庫藏積聚之中出付人將市易其市易人私用者各准前官物應坐之罪皆減一等坐之稱私用者雖貸亦同餘條公廨准此謂一部律內但稱公廨私用及貸皆准此減盜罪坐之卽主守私貸無文記者依盜法卽與真盜同加常盜二等徵倍贖有官者除名故云依盜法又云所貸之人不能備償者徵判署之官注云下條

私借亦准此

**議曰**

監臨主守以官物貨人所貨之人

之官判案者為判官署案者為主典及監事之類注

云下條私借亦准此謂下條監臨主守之官以官物

借人若所借人不能備償亦徵判署之官故云准此

諸監臨主守之官以官物私自借若借人及借之者答

五十過十日坐贓論減二等

**疏議曰**

監臨主守之官以所監臨主守之物謂衣服

借人及借之者各答五十過十日計所借之物准坐贓論減二等罪止徒二年

損敗倉庫物

諸倉庫及積聚財物安置不如法若曝涼不以時致有

損敗者計所損敗坐贓論州縣以長官為首監置等亦

准此

**疏議**

倉謂貯粟麥之屬庫謂貯器仗綿絹之類積

其應曝涼之物又須曝涼以時若安置不如法曝涼不以時而致損敗者計所損敗多少坐贓論州縣以長官為首以下節級緝緝緝為從故云亦准此

財物應入官私

放散官物

諸財物應入官私而不入不應入官私而入者坐贓論

**疏議**

凡是公私論競割斷財物應入官乃入私應入官應入甲而入乙應入私而入公

廨各計所不應入而入坐贓論

諸放散官物者坐贓論

謂出用官物有所市作及物在

還官已散用者勿徵

謂營造贖多為物在

**疏議**

放散官物謂出用官物有所市作並謂官物

料度贖多各計所贖坐贓論若物在未用各在所贖

還官若

祀禮畢宴會食盡及營造事訖皆勿徵

輸課稅漏留淫惡

監主僦運稅物

給受留難

擅開

給受欠贖

官物例

諸應輸課稅及入官之物而迴避詐匿不輸或巧偽濕

惡者計所闕在盜論主司知情與同罪不知情減四等

**疏議**

應輸課稅謂租調地租之類及應入官之物而迴避詐匿假作逗留送致廢闕及巧偽淫

惡欺妄

官司皆總計所闕入官物數准盜科罪依法

陪填主司

知其迴避詐匿巧偽淫惡之情而許行者

各與同罪

不知情者減罪四等縣官應連坐者亦節

級科之州官

不知覺各遞減縣罪一等州縣網典不覺

各同本司

下從科罪若州縣發遣依法而網典

在路或至

輸納之所事有欺妄者州縣無罪

諸監臨主守之官皆不得於所部僦運租稅課物違者

計所利坐贓論其在官非監臨減一等主司知情各減

一等

**疏議曰**

凡是課稅之物監臨主守皆不得於所部內

糧外並為利物在官非監臨減一等謂從坐賊減一

等主司知情者各減一等謂知監臨從坐賊減一

一等若非監臨從坐賊減二等謂知監臨從坐賊減一

彼此俱罪二非乞索之賊既用功程而得不合沒官

諸有所輸及出給而受給之官無故留難不受不給者

一日答五十三日加一等罪止徒一年門司留難者亦

准此若請輸後至主司不依次弟先給先受者答四十

**疏議曰**

有應輸官之物及官物應出給與人而受物

十三日加一等罪止徒一年而受給門司留難者亦

准受給官司之法故云亦准此若請輸後至官司不

依次第先後受者答四十

諸官物有印封不請所由官司而主典擅開者杖六十



**疏議曰**

但是官物有封閉印記欲開者皆請所由官司其主典不請官司而擅開者杖六十

諸應輸課物而輒齎財貨詣所輸處市糴充者杖一百將領主司知情與同罪

**疏議曰**

應輸送課物者皆須從出課物之所運送輸納之處若輒齎財貨詣所輸處市糴充者杖

一百將領主司若知齎物於送納之所市糴情者與輸人同罪縱一人糴輸亦得此罪

諸出納官物給受有違者計所欠贖坐贓論

違謂重受輕出及當

出陳而出新應受上物而受下物之類

其物未應出給而出給者罪亦如

之官物還充官用而違者笞四十其主司知有欠贖不

言者坐贓論減二等

**疏**

諸出納官物給受有違者計所欠贖坐贓論注云

違謂重受輕出及當出陳而出新應受上物而受下

物之類

**議曰**

監主官物或受給或給人而有違法者謂秤量之物出納須平若重受輕出

卽有餘贖及當出陳而出新或應受上物而受下物此卽爲欠須計欠贖之價準坐贓科罪其有輕受重出及應出新而出陳應受上物而受中物得罪與上文並同故云之類

又云其物未應出給而出給者罪亦如之官物還充

官用而違者答四十其主司知有欠贖不言者坐贓

論減二等

**議曰**

其物未應出給者依令應給祿者春秋二時分散未至給時而給者亦依

前坐贓科罪若給官物還充官用有違者答四十其主司知有欠贖而不舉言者計所欠贖坐贓論減二等

諸官物當應入私已出庫藏而未付給若私物當供官用已送在官及應供官人之物雖不供官用而守掌在官者皆爲官物之例

**疏議曰**

謂官物應將給賜及借貸官人及百姓已出庫藏仍貯在官而未付給之間若私物借充官使及應徵課稅之類已送在官貯掌或公廩物及官人月俸應供官人之物雖不供官用而守掌在官并檢驗贓賄或兩競財物如此之類但守掌在官者皆爲官物之例

重詳定刑統卷第十五

重詳定刑統卷第十六 擅興律

**九門** 律條二十四并疏

擅發兵 調發雜物供軍

給發兵符 揀點征人衛士 征人冒名相代

大集校閱 告賊消息與閒謀通

主將不固守城 臨陣先退 私放征防人還

巧詐避征役 鎮戍犯罪

出給戎仗 鎮戍番代

興造料請 工作不如法

私有禁兵器

役功力采取不任用 差遣丁夫雜匠及私役吏

擅發兵

調兵雜物供軍

諸擅發兵十人以上徒一年百人徒一年半百人加一

等千人絞

謂無警急又不先言上而輒發兵者雖即給言上而不待報猶爲擅文書施行即坐

與者隨所給人數減擅發一等

亦謂不先言上不待其報者告令發遣即坐

寇賊卒來欲有攻襲即城屯反叛若賊有內應急須兵

者得便調發雖非所屬比部官司亦得調發給與並即

言上

各謂急須兵不若

客得先言上者不即調發及不即給與者准所

須人數並與擅發罪同其不即言上者亦准所發人數

減罪一等若有逃亡盜賊權差人夫足以巡捕者不用

此律

疏

諸擅發兵十人以上徒一年百人徒一年半百人

加一等千人絞注云謂無警急又不先言上而輒發

兵者雖卽言上而不待報猶爲擅文書施行卽坐

**回**

依令差兵十人以上並須銅魚敕書勘同始合差發若急須兵處准程不得奏聞者聽便差發卽須

言上若無警急又不先言上輒擅發十人以上九  
十人以下徒一年滿百人徒一年半百人加一等七  
百人流三千里千人絞故注云謂無警急又不先言  
上而輒發兵者雖卽言上而不待報謂准程應得言  
上者並須待報若不待報猶爲擅發但文書施行卽  
坐不必要在得兵其擅發九人以下律令無文當不  
應爲從重

又云給與者隨所給人數減擅發一等注云亦謂不

先言上不待報者告令發遣卽坐

**謹**

雖有發兵文書執兵者不

合卽與亦須先言上待報然可給與違者隨所給人  
數減擅發罪一等故注云亦謂不先言上不待報者  
告令發遣卽坐  
不必要待兵行

又云其寇賊卒來欲有攻襲卽城屯反叛若賊有內  
應急須兵者得便調發雖非所屬比部官司亦得調  
發給與並卽言上注云各謂急須兵不容得先言上  
者議曰其有寇賊卒來入境欲有攻擊掩襲及國內  
翻動內應國家如此等事急須兵者得便調發謂得  
隨便未言上待報卽許調發雖非所屬謂所在人兵  
不相管隸急須兵處雖比部官司亦得調發掌兵軍  
司亦得隨便給與各卽言上並謂急須兵處不容先  
言上者

辨租批

又云若不卽調發及不卽給與者准所須人數並與  
擅發罪同其不卽言上者亦准所發人數減罪一等  
若有逃亡盜賊權差人夫足以追捕者不用此律

**同**

應機赴敵急須兵馬若不卽調發及雖調發不卽  
給與者准所須人數並與擅發罪同謂須十人以

上不卽調發及不卽給與各徒一年百人各徒一年  
半每百人各加一等千人以上各得絞罪其不卽言  
上者謂軍務緊急聽先調發給與並卽言上以其不  
卽言上亦惟所發人數減罪一等若有逃亡盜賊謂  
非兵寇直是逃亡或爲盜賊所在官府得權差人  
夫足以追捕不同擅發兵之例故云不用此律  
諸應調發雜物供給軍事者皆先言上待報謂給軍用  
是皆違者徒一年給與者減一等若事有緊急得便調發  
給與並卽言上若不調發及不給與者亦徒一年不卽  
言上者各減一等

**疏**諸應調發雜物供給軍事者皆先言上待報注云

謂給軍用當從私出皆是又云違者徒一年給與者

減一等 **議曰**謂隨軍所須戰具所用供給軍事雖非

給軍用當從私出皆是若應用官物自有常式此爲  
出私家故先須言上待報違者徒一年若知不先言



上雖言上不待報卽給  
與者減一等合杖一百

又云若事有緊急得便調發給與並卽言上若不調

發及不給與者亦徒一年不卽上言者各減一等

**圖**

事有緊急寇賊卒來欲有攻襲等事得便調發給

報若不卽言上爲事有緊急彼此准程不得言上待

給發兵符

年不卽言上減一等俱合杖一百  
揀點征人衛士 征人冒名相代

諸應給發兵符而不給應下發兵符而不下若下符違

式謂違令式不及不以符合從事或符不合不速以聞

各徒二年其違限不卽還符者徒一年餘符各減二等

凡言餘符者契亦同卽  
契應發兵者同發兵符

**疏** 諸應給發兵符而不給應下發兵符而不下若下

符違式注云謂違令式不得承用者

**議曰**

依公式令

內三左一右畿外五左一右左者在內右者付外行用之日從第一爲首後更有事須用以次發之周而復始又條應給魚符及傳符皆長官執長官無次官執此據元付在外之日是爲應給發兵符其符通授官差使雜追徵等以繫兵事重故以發兵爲文應下發兵符而不下者謂差兵不下左符若下符違式謂不依次第不得承用者

又云及不以符合從事或符不合不速以聞各徒二年其違限不卽還符者徒一年餘符各減二等注云

凡言餘符者契亦同卽契應發兵者同發兵符法

**曰**

不以符合從事者謂執兵之司得左符皆用右符

與右符不合從發兵之事若不合符卽從事或勘左符執符之司勘符訖依公式令封符付使人若使人更往別處未卽還者附餘使傳送若州內有使次諸府總耐五日內無使次差專使送之若違此限不卽還符

者得徒一年餘符各減二等餘符者謂禁苑及交巡  
魚符之類若符至不合卽從其事或勘符不合不速  
奏聞徒一年不卽還符杖九十是名餘符各減二等  
注云凡言餘符者契亦同卽契應發兵者同發兵符  
法依令車駕巡幸皇太子監國有兵馬受處分者爲  
水契若王公以下在京留守及諸州有兵馬受處分  
并行軍所及領兵五百人以上馬五百匹以上征討  
亦給木契旣用木契發兵卽同發兵符法監門式皇  
城內諸街鋪各給木契京城諸街鋪各給木魚金部  
司農准式亦並給木契但是在式諸契並同餘符  
諸揀點衛士亦同取捨不平者一人杖七十三人加一  
等罪止徒三年不平謂捨富取貧捨強取弱捨多丁而取少丁之類若軍名先定而  
差遣不平減二等卽應差主帥而差衛士者加一等其  
有欠贖者各加一等

**疏**諸揀點衛士注云征人亦同又云取捨不平者一  
人杖七十三人加一等罪止徒三年注云不平謂捨

富取貧捨強取弱捨多丁而取少丁之類

**議**

**衛士**

注云征人亦同征人謂非衛士臨時募行者若取捨不平者一人杖七十三人加一等罪止徒三年揀點之法則均者取強力均者取富財力又均先取多丁故注云不平謂捨富取貧捨強取弱捨多丁而取少丁之類者謂老少能否

臨時比較不平者皆是

又云若軍名先定而差遣不平減二等卽應差主帥

而差衛士者加一等其有欠贖者各加一等

**議**  
**軍名**

先定謂衛士之徒臨時差遣不平者減罪二等以上第差衛士者加一等罪止徒二年卽應差隊副以上而差衛士者加一等罪止徒二年半此直爲主帥衛士不同故加一等罪止徒二年半其揀點衛士及征人有欠贖亦各加本罪一等主帥欠贖亦同其不平之與欠贖旣罪名不等卽准併滿之法科之

諸征人冒名相代者徒二年同居親屬代者減二等若

部內有冒名相代者里正笞五十一人加一等縣內一人典笞三十二人加一等州隨所管縣多少通計爲罪各罪止徒二年佐職以上節級爲坐主司知情與冒名者同罪其在軍冒名者隊正同里正凡言隊正隊副同旅帥校尉減隊正一等果毅折衝隨所管校尉多少通計爲罪其主典以上並同州縣之法

**疏**諸征人冒名相代者徒二年同居親屬代者減二等議曰介冒之士有進無退征名既定不可假名賞罰須有所歸何宜輒相冒代如有違者首徒二年從減一等同居親屬代者減二等稱同居親屬者謂同居共財者若征處得勳彼此俱不合敘又云若部內有冒名相代者里正笞五十一人加一等縣內一人典笞三十二人加一等州隨所管縣多

少通計為罪各罪止徒二年注云佐職以上節級為

坐又云主司知情與冒名者同罪

**議曰**

部內有冒名者謂里正所

部之內有征人冒名相代里正不覺一人里正答五十

十一人加一等九人徒二年若縣內一人典答三十

二人加一等十五人杖一百二十一人徒二年注云

佐職以上節級驛州驛機為坐即尉為第二從承為

第三從令及主簿錄事為第四從州隨所管縣多少

通計為罪謂管二縣者二人冒名州典答三十六人

加一等管三縣者三人冒名州典答三十六人加一

等之類判司以上節級皆如縣罪計加通計亦准此

各罪止徒二年謂里正及縣典州典各罪止徒二年

故注云佐職以上節級為坐知情者謂里正及州縣

遣兵之官若主典知冒代情並與冒名者同罪

又云其在軍冒名者隊正同里正注云凡言隊正隊

副同

**議曰**

其在軍冒名者謂衛士以上得罪一同征

人加一等罪止徒二年凡言隊正隊副

同稱凡言者凡稱隊正之處隊副即同

又云旅帥校尉減隊正一等果毅折衝隨所管校尉  
多少通計爲罪注云其主典以上並同州縣之法

**議**

**曰**依軍防令每一旅帥管二隊正每一校尉管二旅  
帥既非親監當者同減隊正一等謂一人冒名管  
四十一人加一等罪止徒一年半果毅折衝隨所管  
校尉多少通計爲罪每府管五校尉之處亦有管四  
校尉三校尉者謂管三校尉者五人冒名各答四十  
者四人冒名管五校尉者五人冒名各答四十不滿  
此數不坐通計之法並准上文州管縣之義注云其  
主典以上並同州縣之法並准上文州管縣之義注  
典兵曹爲第二從長史果毅爲第三從折衝爲第四  
從錄事同下從依律無四等官者止准見府官爲坐  
大集校閱告賊消息與閒謀通

諸大集校閱而違期不到者杖一百三日加一等主帥  
犯者加二等卽差發從行而違期者各減一等

**疏議曰**

春秋之義春蒐夏苗秋獮冬狩皆因農隙以  
講大事卽今校閱是也又車駕親行是名大

集校閱而有違期不到者謂於集時不到即杖一百  
每更三日加一等主帥犯者加二等謂隊副以上將  
軍以下集時不到者即差發從行而違限者各減一  
等謂正身當時不到杖九十每三日加一等主帥以  
上同上解其折衝府校閱在式有文不到者  
各准違式之罪若所司不告者罪在所司  
諸乏軍興者斬故失等調發而稽廢者  
杖一百謂臨軍征討闕乏細小之物者不憂軍事者

**疏**諸乏軍興者斬故失等注云謂臨軍征討有所調  
發而稽廢者謂與軍征討國之大事調發征行有  
失罪等為其事大雖失不減注云謂臨軍征討有所  
調發兵馬及應須供軍器械或所須戰具各依期會  
克日俱充有所闕者即稽廢故云有所調發而稽  
廢者若充使命告報軍期而違限廢事者亦是乏軍  
興故失罪等

又云不憂軍事者杖一百注云謂臨軍征討闕乏細



小之物

**議曰**

謂隨身七事及火幕行具細小之物臨

注云謂臨軍征討亦據臨戰不及別

求若未從軍向容求覓即從違式法

諸征人稽留者一日杖一百二日加一等二十日絞即

臨軍征討而稽期者流三千里三日斬若取捨從權不

拘此律

或應期赴難違期即斬或捨罪求功雖怠不戮如此之類各隨臨時處斷故不拘常律

**疏**諸征人稽留者一日杖一百二日加一等二十日

絞即臨軍征討而稽期者流三千里三日斬

**議曰**

謂

已從軍兵馬並發不即進路而致稽留者一日杖一

百二日加一等二十日絞謂從軍人上道日計滿二

十日即臨軍征討者謂鉦鼓相聞指期

交戰而稽期者流三千里經三日者斬

又云若用捨從權不拘此律注云或應期赴難違期

即斬或捨罪求功雖怠不戮如此之類各隨臨時處

斷故不拘常律

**議曰**

推轂寄重義資英略闢外之事

用捨從權務在成濟故注云或應期赴難違期即斬或捨罪求功雖怠不戮或者謂或違於軍令別求異功或雖即愆期擬收後效或戮或捨隨事處斷如此之類不拘常律

諸密有征討而告賊消息者斬妻子流二千里其非征討而作閒諜若化外人來為閒諜或傳書信與化內人并受及知情容止者並絞

**疏議曰**

或伺賊閒隙密期征討乃有姦人告賊消息者斬妻子流二千里其非征討而作閒諜者

閒謂往來諜謂規候傳通國家消息以報賊徒化外人來為閒諜者謂聲教之外四夷之人私入國內往來規候者或傳書信與化內人并受化外書信知情容止居停者并絞

主將不固守城

臨陣先退

私放征防人還

諸主將守城為賊所攻不固守而棄去及守備不設為

賊所掩覆者斬若連接寇賊被遣斥候不覺賊來者徒三年以故致有覆敗者亦斬

**疏議曰**

主將者主領人兵親為主將者或鎮將戍主或留守邊城州縣城土之類守城為賊所攻

擊不能固守棄城而去及守備不設謂預備有闕巡守不嚴被賊所掩襲覆敗者斬若連接寇賊謂軍壘連接旗旄相望被遣斥候謂指斥候望不覺賊來入境者徒三年以故致有覆敗者以其不覺賊來為賊掩襲致城及人兵有覆敗者亦斬

諸主將以下臨陣先退若寇賊對陣捨仗投軍及棄賊來降而輒殺者斬即違犯軍令軍還以後在律有條者依律斷無條者勿論

**疏**

諸主將以下臨陣先退若寇賊對陣捨仗投軍及

棄賊來降而輒殺者斬

**議曰**

主將以下謂戰士以上臨陣交兵而有先退若

寇賊對陣而捨仗投軍謂背彼凶徒捨仗歸命及雖非對陣棄賊來降而輒殺之者斬謂先退以下皆從坐此

又云卽違犯軍令軍還以後在律有條者依律斷無

條者勿論

**議曰**

若違犯軍中號令者軍還以後其所

將軍教令在律無條軍還之後不合論罪故云無條勿論

諸在軍所及在鎮戍私放征防人還者各以征鎮人逃

亡罪論卽私放輒離軍鎮者各減二等若放人多者一

人准一日放日多者一日准一人

謂放三人各五日放五人各三日累成十

五日之類並經宿乃坐

臨軍征討而放者斬被放者各減一等

**疏**諸在軍所及在鎮戍私放征防人還者各以征鎮

人逃亡罪論卽私放輒離軍鎮者各減二等

**議曰**

軍在

所者謂在行軍之所鎮戍者謂在鎮戍之處私放征  
防人還者謂征防之人未合還家輒私放者各以征  
鎮人逃亡罪論依捕亡律從軍征討而亡者一日徒  
一年一逃亡罪論依捕亡律從軍征討而亡者一日徒  
司故縱與同罪若放征人令還各得此罪又條防人  
向防及在防未滿而亡者鎮人亦同一日杖八十  
日加一等放防人還者各得此罪是名各以征鎮人  
逃亡罪論即私放輒離軍鎮者謂放軍人去軍防人  
離鎮既非即放還家征防二色各減本罪二等

又云若放人多者一人准一日放日多者一日准一

人注云謂放三人各五日放五人各三日累成十五

日之類並經宿乃坐又云臨軍征討而放者斬被放

者各減一等

**議曰**

依捕亡律從軍征討而亡一日徒

十五人一日亦合絞其放鎮戍人而還一人一日杖  
八十三日加一等三十一日杖九十一日杖九十一  
人一日亦流三千里即私放輒離軍鎮者各減二等  
謂放征人去軍一日杖九十一日杖九十一日杖九

三年若放防人離鎮一日杖六十三日加一等罪止  
徒二年半是為放人多者一人准一日放日多者一  
日准一人注謂放三人各五日放五人各三日俱累  
成十五日各合絞稱之類者或放七人各二日又放  
一人經一日亦為十五日合絞人之與日並得相累  
或人或日累成十五日皆至死刑注故云之類並經  
宿乃坐不經宿者無罪雖經宿不滿日者一人從不  
應為之坐征人從重鎮成從輕注云經宿乃坐者以  
人日相率恐放十人經半日即為五人之罪故云經  
宿乃坐還與百刻義同臨軍征討而放者斬謂臨陣  
對寇輒放征人不待終日即合處斬被放者流三千  
里被放征人防人各減主司罪一等故云各減一等

巧詐避征役

鎮戍犯罪

諸臨軍征討而巧詐以避征役巧詐百端謂若誣告人故犯輕罪之類若  
有校試以能為不能以故有所稽乏者以乏軍興論未  
廢事者減一等主司不加窮覈而承詐者減罪二等知  
情者與同罪至死者加役流

**疏**諸臨軍征討而巧詐以避征役注云巧詐百端謂

若誣告人故犯輕罪之類**議曰**臨對寇賊即欲誅討

役注云巧詐百端或有誣告人罪以求推對或故犯

輕法意在留連或故自傷殘或許為疾患姦詐不一

故云百端不可備陳故云之類

又云若有校試以能為不能以故有所稽乏者以乏

軍興論未廢事者減一等主司不加窮覈音而承詐

者減罪二等知情者與同罪至死者加役流議曰所有

校試謂臨軍之時一藝以上應供軍用軍中校試故

以能為不能以巧詐不能之故於軍有所稽違及致

關乏廢事者以乏軍興論故失俱合斬若於事未廢

減死一等主司不加窮覈主司謂應檢勘校試之人

不加窮研覈實而承詐依信者減罪人罪二等知情

者謂知巧詐之情並與犯者同罪至死者加役流未

關事者流

三千里

諸鎮戍有犯本條無罪名者各減征人二等

**疏議**

鎮戍有所犯法本條無罪名者謂鎮戍防人冒名相代及主司知情不知情若鎮戍拒賊

而有巧詐避役若有校試以能為不能並

出給戎仗

鎮戍番代

諸戎仗非公文出給而輒出給者主司徒二年雖有符

牒合給未判而出給者杖一百儀仗各減三等

**疏議**

出給戎仗兵器非得公文而輒出給者主司徒二年主司謂當判署者雖有符牒台給未

判而出給謂有符牒到司仍未行判即准符牒出給者杖一百其餘留守所及諸州府差發或應用魚符

敕書而不用者亦徒二年儀仗各減三等儀仗謂吉

凶兩簿諸門戟稍之類無文牒出給者杖一百未判出給者杖七十

故云各減三等



一等罪止徒二年卽代到而不放者減一等若鎮戍官  
司役使防人不以理致令逃走者一人杖六十五人加  
一等罪止徒一年半

**疏**諸鎮戍應遣番代而違限不遣者一日杖一百三

日加一等罪止徒二年卽代到而不放者減一等

**曰**依軍防令防人番代皆十月一日交代如官司違

限不遣若准程稽違不早遣者一日杖一百三日

加一等罪止徒二年卽代到不放謂防人十月一日

替到不放者減一等謂一日杖九十三日加一等罪

止徒一年半

又云若鎮戍官司役使防人不以理致令逃走者一  
人杖六十五人加一等罪止徒一年半

**曰**依軍防令防人  
在防守固之外唯得修理軍器城隍公廨屋宇各量  
防人多少於常處側近給空閑地逐水陸所宜斟酌

營種并雜蔬菜以充糧貯及充防人等食此非正役  
不責全功自須苦樂均平量力驅使鎮戍官司使不  
以理致令逃走者一人杖六十五人加一等罪止徒  
一年半若使不以理而防人雖不逃走仍從違令利  
斷

興造料請 工作不如法

諸有所興造應言上而不言上應待報而不待報各計  
庸坐贓論減一等卽料請財物及人功多少違實者答  
五十若事已損費各併計所違贓庸重者坐贓論減一  
等 本料不實料者坐  
請者不實請者坐

**疏** 諸有所興造應言上而不言上應待報而不待報

各計庸坐贓論減一等 **議曰** 修城郭築隄防興起人

計人功多少申尙書省聽報始合役功或不言上及  
不待報各計所役人庸坐贓論減一等其庸倍論罪

止徒二年半

又云卽料請財物及人功多少違實者答五十若事已損費各併計所違贓庸重者坐贓論減一等注云

本料不實料者坐請者不實請者坐

**議曰**

卽料請財物及人功

多少違實者謂官有營造應須市買料請所須財物及料用人功多少故不以實者答五十若事已損費或已損財物或已費人功各併計所費功庸准贓重者坐贓論減一等重者謂重於答五十卽五匹一尺以上坐贓論減一等合杖六十者爲贓重本料不實止坐元料之人若由請人不實卽請者各倍論此既因減三等依名例律以贓致罪頻犯者各倍論此既因贓獲罪功庸出眾人之上并通官物卽合累而倍論若直費官財不損庸直止據所費財料不在倍限雖費人功倍併不重官物止從官物科斷卽是累併不加重者止

從重論

諸非法興造及雜徭役十庸以上坐贓論

謂爲公事役使而非法令

者所聽

**疏議**

非法興造謂法令無文雖則有文非時興造亦若是若作池亭賓館之屬及雜徭役謂非時

科喚丁夫驅使十庸以上坐賊論既准眾人為庸亦須累而倍折故注云謂為公事役使而非法令所聽者因而率斂財物者亦併計坐賊論仍亦倍折以其非法賦斂不自入已得罪故輕

諸工作有不如法者笞四十不任用及應更作者併計所不任賊庸坐賊論減一等其供奉作者加二等工匠各以所出為罪監當官司各減三等

**疏議**

工作謂在官造作輒違樣式有不如法者笞四十不任用謂造作不任時用及應更作者

併計所不任賊庸累倍坐賊論減一等十匹杖一百十匹加一等罪止徒二年半其供奉作加二等者供奉之義已於職制解訖若不如法杖六十不任用及應更作坐賊論加一等罪止流二千里其併倍訖不重費官物者並直計官物科之其賊不倍工匠各以所由為罪監當官司各減三等者謂親監當造作若

有不如法減工匠三等笞十不任用及應更作減  
坐贓四等罪止徒一年供奉作罪止徒二年之類

私有禁兵器

諸私有禁兵器者徒一年半謂非弓箭刀楯短矛者弩一張加二

等甲一領及弩三張流二千里甲三領及弩五張絞私

造者各加一等甲謂皮鐵等具裝與甲同即得關造未

成者減二等即私有甲弩非全成者杖一百餘非全成

者勿論

**疏**諸私有禁兵器者徒一年半注云謂非弓箭刀楯

短矛者**議曰**私有禁兵器謂甲弩矛稍具裝等依令

注云謂非弓箭刀楯短矛者此上五事私家聽有其

旌旗幡幟及儀仗並私家不得輒有違者從不應為

重杖八十

又云弩一張加二等甲一領及弩三張流二千里甲

三領及弩五張絞私造者各加一等

**議曰**

弩一張加二等謂加

私有禁兵器罪二等合徒二年半甲一領及弩三張  
流二千里有甲有弩各得此罪甲三領及弩五張絞  
亦甲弩准數各得絞罪私造者各加一等  
謂私造甲弩及禁兵器各加私有一等

**問曰**

絞有甲三領及弩五張准依律文各合處

**答曰**

畜甲畜弩各立罪名既非一事不合併滿依名

坐輕既有弩四張已合流罪加一滿五即至死刑況  
加甲二領明合處絞私有弩四張加甲一領者亦合  
刑死

注云甲謂皮鐵等具裝與甲同即得闌遺過三十日

不送官者同私有法

**議曰**

鐵甲皮甲得罪皆同私有

流二千里有三領者亦合絞即得闌遺過三十日不  
送官謂得闌遺禁兵器以下三十一日不送官者同

私有法既稱過三十日卽三十日內不合此罪又依  
軍防令關得甲仗皆卽輸官不送輸者從違令笞五  
十滿五日者依雜律各以亡失罪論其亡失之罪從  
本條解釋其甲非皮鐵者依庫部式亦有曉畜之處  
其限外贖畜及不應畜而有者亦准禁兵器論但甲  
有禁文非私家合有爲非皮鐵量罪稍輕坐同禁兵  
器理爲  
適中

又云造未成者減二等卽私有甲弩非全成者杖一  
百餘非全成者勿論造未成者謂從上禁兵器  
二等謂甲三領弩五張以上縱更多有各止處徒三  
年卽私有甲弩非全成者謂甲弩不堪著用又非私造杖  
一百餘非全成者勿論謂甲弩之外所有禁兵器非  
全成者皆不坐既禁兵器雖不合罪亦須送官  
役功力采取不任用  
差遣丁夫雜匠及私役使

諸役功力有所采取而不任用者計所欠庸坐贓論減  
一等若有所造作及有所毀壞備慮不謹而誤殺人者

徒一年半工匠主司各以所由為罪

**疏**諸役功力有所采取而不任用者計所欠庸坐贓

論減一等

**議曰**

謂官役功力若采藥或取材之類而

少不任用准其欠庸併倍坐贓論減一等

又云若有所造作及有所毀壞備慮不謹而誤殺人

者徒一年半工匠主司各以所由為罪

**議曰**

謂有所

作及有所毀壞崩撤之類不先備慮謹慎而誤殺人者徒一年半工匠主司各以所由為罪或山工匠指搆或是主司處分各以所由為罪明無連坐之法律既但稱殺人即明傷者無罪

諸應差丁夫而差遣不平及欠贖者一人笞四十五人

加一等罪止徒一年卽丁夫在役日滿不放者一日笞

四十一日加一等罪止杖一百

各坐其所由



**疏議曰**

差遣之法謂先富強後貧弱先多丁後少丁

之類

違此不平及令人數欠贖者一人答四十五人

加一等

罪止徒一年即丁夫在役謂在役之人日滿

不放者

一日答四十一日加一等罪止杖一百注云

各坐其所

由謂止坐不放者所出之人明無連坐之法

諸被差充丁夫雜匠而稽留不赴者一日答三十三日

加一等罪止杖一百將領主司加一等防人稽留者各

加三等即由將領者將領者獨坐

餘條將領稽

留者准此

**疏議曰**

丁夫雜匠被官差遣不依程限而稽留不赴

領主司

加一等罪止杖一百將領主司謂親領監當者一日答四十三

日杖六十

三十三日加一等罪止杖一百其防人稽留者各加三等一

加一等

若由將領主司稽留丁夫雜匠防人不合得

罪唯

將領之入故云將領者獨坐注云餘條將領

主司

准此餘條謂征人等但是差行有主司將領本

條無

將領者名由將

領者

皆將領者獨坐

諸丁夫雜匠在役而監當官司私使及主司於職掌之所私使兵防者各計庸准盜論卽私使兵防出城鎮者加一等

**疏議曰**

丁夫雜匠見在官役限之內而監當官司

人於職掌之所私使及主司謂應判署及親監當兵防之各計私使之庸准盜論卽雜使計庸不滿尺者從盜不得財私使之庸准盜論卽雜使計庸不滿尺者從盜鎮加罪一等謂計庸加准盜論罪一等卽強使者依職制律強者加二等餘條強者准此若強使兵防出城者卽亦於本罪加一等上累加雖稱丁夫雜匠及兵防非在役限內而使者丁夫雜匠依上條日滿不放答四十一日加一等罪止杖一百兵防從代到不放一日杖九十三日加一等罪止杖一百兵防從代到者若見是監臨官依役使監臨之罪其非本部官者依不應得爲從輕答四十庸多得罪重者依職制律去官而受舊官屬土庶饋與若乞取借貸之屬各減在官時三等非監臨官私使亦於准盜論上減三等

重詳定刑統卷第十六